



21. maj 2013

Inatsisartut suleriaasianni § 37, naaportorlugu matumuuna imaattumik Naalakkersuisunut apeqquteqarpugut:

**Apeqquut: Maniitsumi inissarsuit Salliarnartami aammalu Imeqarfiup aqputaani rækkehuset inoqanngitsut iluarsartuunneqarnissaannut imaluunniit isaterisoqarnissaannut Naalakkersuisut pilersaaruteqarnerlutik?**

(Inatsisartuni Ilaasortat, Gerhardt Petersen, Siverth K. Heilmann, ATASSUT)

**Tunngavilersuut:**

ATASSUT-miit ilisimavarput, Salliarnartami inissarsut 1960-sikkunnili sanaajusut pisoqalisoorunikooqisullu isateriarlugit nutaaliorfigineqarnissaat siunniunneqarnikuugaluartoq, aningaasaliissutigineqartulli ilaat Naalakkersuisuusimasunit Nuummi blok P isaterneqarnissaanut nuunneqarput, taamaalillunilu Maniitsumi Salliarnartami isaterisinnaanerigaluaq periarfissaarutitinneqarluni.

ATASSUT-miit isumaqarpugut Imeqarfiup aqputaani rækkehusit aamma 1960-ikkunnili sananeqarnikut pisoqalisooqqalutik ukiuni arlaqalersuni inoqaratik atorneqanngillat.

Maniitsumi nunaminertat sanaartorfigineqarsinnaasut tamarmik atorfissaqartinneqarluarput, taamaattumik inissiat inoqaratik atorneqanngitsut piaartumik isaterneqarnissaat nutaaliorfigineqarnissaallu kissaatiginartillugu Naalakkersuisunut tamanna qanoq akissutissarsiffineqarsinnaanersoq apeqqutigaarput.

Neriutugaluta apeqquteqaatitta ullut akissuteqarnissamut killissarititaasut iluanni akissuteqarfigineqarumaarluta.

Inussiarnersumik Inuulluaqqusilluta

ATASSUT-mi Inatsisartuni Ilaasortat.